



沈祖堯叫學生放眼世界

出過唔少名人嘅文理書院今年創校五十周年，早前喺伊館慶祝金禧校慶，中大校長沈祖堯唔係「文理人」，都以嘉賓身份撐場，佢勉勵學生要以已故蘋果行政總裁喬布斯為榜樣，放眼世界。

「90後」青年嘆就業難，沈校長都有同感，佢提醒學生處世良方，係要終身學習來提升能力，迎接挑戰。佢又引述名著《誰搬走我的乳酪》，寄語學生喺面對變化時，要懂得應變和學會適應，並嘗試突破客觀環境嘅局限，呢番話，夠晒語重心長。文理書院出過前社署署長余志穩、著名電視監製鄧特希同醫專會副主席鄭淇德（Percy）等人。

文理校慶 舊生眼濕

Percy自爆小三時成績差到被人踢出校，幸好文理有教無類，收佢由小五讀到中六，後來仲去埋英國讀牙科，如今做咗牙醫，難怪佢提起母校就感觸到眼濕濕，今次仲請纓擔任校慶籌委會主席添。文理校友喺典禮上捐出近兩百萬元回饋母校，認真唔話得。



■文理書院五十歲生日，中大校長沈祖堯（右起）、文理書院校慶籌委會主席鄭淇德及基金會主席黃昭文齊恭賀。
（被訪者提供）